



Adresa: **Ul. H. Čemerlića 39 a**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: **UP-1/21-3-40-414-5/21**
Datum: **08.12.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „MERKEZ OIL“ d.o.o. Novi Travnik za donošenje rješenja o vodnoj dozvoli za ispuštanja oborinskih, onečišćenih i tehnoloških voda u prirodni recipijent iz izgrađenog objekta benzinske pumpe sa prijenosnom paletom za plin i podzemnim rezervoarom za gorivo, lož ulje i plin, izgrađenog objekta samouslužne autopraonice, zatim montažnog objekta benzinske pumpe i nadstrešnice, te objekta autobusne stanice sa nadstrešnicom za perone i autopraonicom, sve locirano u ul. Mehmeda Spahe br: 1, općina Novi Travnik., na osnovu člana 109. stav 1. točka 2. Zakona o vodama («Službene novine Federacije BiH, broj 70/06») i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „MERKEZ OIL“ d.o.o. Novi Travnik, za ispuštanjem oborinskih onečišćenih i tehnoloških voda u prirodni recipijent iz izgrađenog objekta benzinske pumpe sa prijenosnom paletom za plin i podzemnim rezervoarom za gorivo, lož ulje i plin, izgrađenog objekta samouslužne autopraonice, zatim montažnog objekta benzinske pumpe i nadstrešnice, te objekta autobusne stanice sa nadstrešnicom za perone i autopraonicom, sve locirano u ul. Mehmeda Spahe br: 1, općina Novi Travnik., na zemljištu označenom kao k.č. broj 1128/18, 1128/3, 1128/17, 1128/19, 1128/20, 1128/21 i 1128/5 K.O. Novi Travnik, 342/2, 342/5, 339/2 i 1666, K.O. Rankovići, općina Novi Travnik.
2. Ova vodna dozvola se odnosi isključivo na ispuštanje oborinskih onečišćenih i tehnoloških voda u prirodni recipijent sa lokacije objekta benzinske pumpe sa prijenosnom paletom za plin i podzemnim rezervoarom za gorivo, lož ulje i plin, izgrađenog objekta samouslužne autopraonice, zatim montažnog objekta benzinske pumpe i nadstrešnice, te objekta autobusne stanice sa nadstrešnicom za perone i autopraonicom definiranom tačkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se smještaj nafte i naftnih derivata vrši u ukopanim čeličnim dvoplašnim rezervoarima ukupne zapremine 100 m³ (2x50 m³).
 - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati

- referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža i ispušt u recipijent) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.7. Prečišćene oborinske vode moraju ostati u maksimalno dopuštenim granicama definiranim članom 14. i 15. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.8. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.10. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.11. Za sve izgrađene objekte ishoditi okolišnu dozvolu od nadležnih institucija.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – točke 13 i 22, Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor odnosno korisnik „MERKEZ OIL“ d.o.o. Novi Travnik je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta iz točke 1. ovog rješenja dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
 11. Prije isteka važnosti ove dozvole Investitor „MERKEZ OIL“ d.o.o. Novi Travnik, dužan je da zatraži izdavanje nove vodne dozvole.

O b r a z l o ž e n j e

Pravno lice „MERKEZ OIL“ d.o.o. Novi Travnik, podnijelo je zahtjev za izdavanje vodne dozvole za ispuštanjem oborinskih, onečišćenih voda u prirodni recipijent iz izgrađenog objekta benzinske pumpe sa prijenosnom paletom za plin i podzemnim rezervoarom za gorivo, lož ulje i plin, izgrađenog objekta

samouslužne autopraonice, zatim montažnog objekta benzinske pumpe i nadstrešnice, te objekta autobusne stanice sa nadstrešnicom za perone i autopraonicom, sve locirano u ul. Mehmeda Spahe br: 1, općina Novi Travnik., na zemljištu označenom kao k.č. broj: 1128/18, 1128/3, 1128/17, 1128/19, 1128/20, 1128/21 i 1128/5 K.O. Novi Travnik, 342/2, 342/5, 339/2 i 1666, K.O.Rankovići, općina Novi Travnik.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Aktualni izvod iz sudskog registra broj: 051-0-RegZ-21-000863 od 04.06.2021. izdano od općinskog suda u Travniku.
- Kopija uvjerenja o poreskoj registraciji „MERKEZ OIL“ d.o.o. Novi Travnik od 16.03.2021.god. izdan od kantonalnog, poreznog ureda Novi Travnik.
- Rješenje o odobrenju za građenje br.06-23-4-1740/13 od 28.02.2014. izdano od Službe za urbanizam, imovinsko-pravne poslove i katastar, općine Novi Travnik.
- Rješenje o odobrenju za upotrebu br.06-23-5-1341/14 od 11.03.2015. izdano od Službe za urbanizam, imovinsko-pravne poslove i katastar, općine Novi Travnik.
- Atest za ugrađeni separator ulja i masti br. U-U-14-0700/07 izdano od Kontrol Biro Prister d.o.o. Zagreb.
- Izvještaj o monitoringu kvalitete otpadnih voda br.627/21 iz 4/2021, izrađen od „Inspekt-RGH“ d.o.o. Sarajevo.
- Zapisnik br.2/98 od 09.01.1998.god. da su ugrađeni dvoplašni spremnici za naftu.
- Projektna dokumentacija „Glavni projekt prikupljanja i tretmana tehnološke otpadne vode kao i oborinske vode sa manipulativnih površina“ izrađena od „EDI-ING“ d.o.o. Donji Vakuf, šifra projekta 21/11-NT/1
- Ugovor o čišćenju i održavanju separatora ulja i masti sklopljen sa „DELTA PETROL“ d.o.o. Kakanj.
- Uplatnice administrativne takse.
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-I/21-3-40-414-4/21 od 01.12.2021. na kome je konstatirano sljedeće:

Predmetni poslovni objekt je izgrađen uz magistralnu cestu Novi Travnik - Bugojno, na zemljištu označenom kao k.č. broj 1128/18, 1128/3, 1128/17, 1128/19, 1128/20, 1128/21 i 1128/5 K.O. Novi Travnik, 342/2, 342/5, 339/2 i 1666, K.O.Rankovići, općina Novi Travnik.

Benzinska crpka sastoji se od nadstrešnice s automatima za istakanje goriva, objekta za prodaju, cafe bara, sustava za odvodnju sa separatorom, dva podzemna - dvoplašna spremnika za naftne derivate i uredski prostor i manipulativnog prostora koji je potpuno asfaltiran. U sklopu poslovnog kompleksa nalazi se i objekat autobusne stanice sa nadstrešnicom za perone i autopraonicom.

Vodoopskrba se obavlja preko gradskog vodovoda.

Naftni derivati su skladišteni u dva dvoplašna spremnika ukupnog kapaciteta 100 m³ (2x50 m³).

Oborinske vode sa manipulativnih površina se skupljaju i odvođe do tipskog separatora ulja i masti sa ispustom u gradsku kanalizaciju. Fekalne vode se zasebnim sustavom odvodnje odvođe u gradsku kanalizaciju kojom upravlja JKP „VILENICA“ d.o.o. Novi Travnik. Održavanje i čišćenje separatora ulja i masti je regulirano ugovorom s poduzećem „DELTA PETROL“ d.o.o. Kakanj i obavlja se jednom godišnje.

Investitor je pribavio projektnu dokumentaciju „Glavni projekt prikupljanja i tretmana tehnološke otpadne vode kao i oborinske vode sa manipulativnih površina“ izrađena od „EDI-ING“ d.o.o. Donji Vakuf., šifra projekta IV-471/21, koja je vraćena Investitoru na uviđaju.

Za postojeće, izgrađeno stanje objekata Investitor posjeduje upotrebnu dozvolu.

Izvještaj o rezultatima ispitivanja kvantitativnih karakteristika efluenta sa programom praćenja stanja voda, izrađen od „Inspekt-RGH“ d.o.o. Sarajevo, br.627/21 iz 4/2021.god., i rezultati ispitivanja

zadovoljavaju granične vrijednosti propisane Uredbom o uvjetima ispuštanja otpadnih voda u okoliš i sisteme javne kanalizacije.

Objekt se ne nalazi u vodnom dobru.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „MERKEZ OIL“ d.o.o. Novi Travnik, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata

Haris Ališehović, dipl. inž.grad.

Dostaviti:

- „MERKEZ OIL“ d.o.o Novi Travnik, Mehmeda Spahe 1, N.Travnik
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava